



## LJEKARSKA – LIJEČNIČKA KOMORA KANTONA SARAJEVO

Nezavisni bh.politički dnevnik "Dnevni avaz", autor A. Nuhanović, ul Tešanjaska 24b, Sarajevo

### ZAHTJEV ZA ISPRAVKU IZRAŽAVANJA

Poštovani,

Dana 19.05.2017.godine u dnevnom listu Dnevni avaz ste objavili tekst u kojem grubo obmanjujete javnost a sve sa ciljem urušavanja ugleda Ljekarske /Liječničke komora Kantona Sarajevo u javnosti.

Naime u pomenutom tekstu iznosite tvrdnje da su prostorije Ljekarske komore KS izmještene u krug Univerzitetskog kliničkog centra Sarajevo "da bi bila potpunija kontrola nad Ljekarskom/Liječničkom komorom"

Budući da je to gruba laž tražimo od Vas da u cijelosti objavite ovaj demant a sve u cilju istinitog i objektivnog informisanja javnosti.

Ljekarska/Liječnička komora KS je imala ugovor o zakupu prostorija (stana) koje su korištene za potrebe Komore, i te prostorije mjesečno plaćala 1000,00 KM.

U ove troškove od 1000,00 KM nisu uračunati troškovi električne energije, gasa vode i čišćenja prostorija, tako da su ukupni troškovi na mjesečnom nivou iznosili 1800,00 KM. Novo rukovodstvo Komore je donijelo Odluku da se prema povjerenom novcu koji uplaćuju članovi, u vidu mjesečne članarine odnosi domaćinski te smo tražili modus smanjenja pomenutih troškova. Budući da smo imali informacije da određene zdravstvene ustanove raspolažu sa viškom prostora koji se ne koristi, dana 22.03.2017.godine uputili smo istovjetne molbe prema direktorima pomenutih institucija JU Dom zdravlja KS, Opća bolnica "Prim dr Abdulah Nakaš", i Univerzitetski klinički centar Sarajevo, sa molbom za privremeno besplatno ustupanje prostora za potrebe normalog funkcionisanja Komore (upućeni dopisi u prilogu). Na pomenuti dopis dobili smo odgovor samo do generalne direktorice UKCS-a dok se drugi direktori nisu udostojili ni do današnjeg dana da upute bilo kakav odgovor.

Budući da je UKCS izašao u susret i ustupio prostorije koje u potpunosti odgovaraju potrebama Komore a pri tom su još i besplatne (Ljekarska komora plaća samo režijske troškove ) smatrali smo da je najprirodnije da promjenimo sjedište rada Ljekarske komore u krug Kliničkog centra.

U prilog Vam dostavljamo ugovor o zakupu prostorija u ul. Josipa Vancaša iz kojeg su jasno vidljivi troškovi zakupnine na mjesečnom nivou, kao i molbe koje smo uputili zdravstvenim institucijama koje posjeduju višak prostora koji nije u upotrebi.

Svakom objektivnom čitaocu iz sadržaja ovog demanta biće u potpunosti jasni razlozi za izmještanja sjedišta Ljekarske/Liječničke komore na KCUS.

Upotpunosti odbijamo kvalifikacije koje ste objavili u vašem tekstu te na osnovu čl.8 Zakona o zaštiti od klevete tražimo da u potpunosti objavite ovaj demant bez redakcijskih intervencija.

Molimo da nas pismeno obavjestite o datumu kada namjeravate objaviti pomenuti demant. Ukoliko to ne učinite u razumnom roku u cilju zaštite digniteta institucije na čijem sam čelu podnijet ćemo prijavu nadležnom sudu protiv autora teksta u Vašem listu.

S poštovanjem,



Predsjednik Komore  
Spahović dr Raho

Bolnička 25  
71 000 Sarajevo  
Bosna i Hercegovina

Tel.: +387 33 219-272  
Tel./fax: +387 33 219-493  
[www.lkksa.ba](http://www.lkksa.ba); e-mail: [info@lkksa.ba](mailto:info@lkksa.ba)

ID: 4200540420002  
ž.r. 1610000004110095  
Raiffeisen bank